



NAFARROAKO PARLAMENTUKO

ALDIZKARI OFIZIALA

XI. legegintzaldia

Iruña, 2023ko urriaren 26a

24. ZK.

A U R K I B I D E A

A SAILA:

Foru lege proiektuak:

- 10-23/LEY-00008. Foru Legea, zeinaren bidez Tributuei buruzko abenduaren 14ko 13/2000 Foru Lege Orokorra aldatzen baita, Kontseiluaren 2021eko martxoaren 22ko 2021/514 (EB) Zuzentarauaren transposizioa eginez (zuzentarau horrek Fiskalitatearen arloko administrazio lankidetzari buruzko 2011/16/EB Zuzentaraia aldatu zuen). Osoko Bilkurak onetsi du (3. or.).

B SAILA:

Foru lege proposamenak:

- 11-23/PRO-00009. Foru Legea, Nafarroako Estatistikari buruzko ekainaren 27ko 11/1997 Foru Legea aldatzekoa. Osoko Bilkurak onetsi du (8. or.).

E SAILA:

Interpelazioak, mozioak eta adierazpen politikoak:

- 11-23/MOC-00040. Erabakia, zeinaren bidez Nafarroako Gobernua premiatzen baita Adimen Artifizialak Nafarroako gizartean duen eraginari buruzko prospekzio-lan zorrotza eta jarraitua egin dezan. Osoko Bilkurak onetsi du (9. or.).
- 11-23/MOC-00050. Erabakia, zeinaren bidez Nafarroako Parlamentuak berretsi egiten baitu Pobreziaren eta Desberdinkeriaaren aurkako Nafarroako Itunarekiko konpromisoa. Osoko Bilkurak onetsi du (9. or.).
- 11-23/MOC-00030. Mozioa, zeinaren bidez Espainia herritar askeen eta eskubide nahiz betebeharrak dituztenen nazio bat dela aitortzen baita. Lehendakaritza eta Berdintasun Batzordeak ezetsi du (10. or.).
- 11-23/MOC-00039. Mozioa, zeinaren bidez Nafarroako Gobernua premiatzen baita errenta bermatuari buruzko araudia alda dezan. Osoko Bilkurak ezetsi du (10. or.).
- 11-23/MOC-00043. Mozioa, zeinaren bidez Nafarroako Gobernua premiatzen baita behar diren neurriak susta ditzan eskoletako doktrinamendua amai dadin, batez ere testuliburuetan eta hezkuntza-materialetan. Osoko Bilkurak ezetsi du (11. or.).

- 11-23/MOC-00045. Mozioa, zeinaren bidez Nafarroako Gobernua premiatzen baita neurri fiskalen lehen sorta bat abiaraz dezan errenta txiki eta ertainen erosahaltenaren galera nabarmena leuntzeko, 2023ko urtarrilaren 1etik aitzinako eraginez. Osoko Bilkurak ezetsi du (11. or.).
- 11-23/MOC-00048. Mozioa, zeinaren bidez Hezkuntza Departamentua premiatzen baita eskola publikoan bikoiztu ditzan legezko ratioa gainditzen duten ikasgelak. Osoko Bilkurak ezetsi du (12. or.).
- 11-23/MOC-00051. Mozioa, zeinaren bidez Nafarroako Gobernua premiatzen baita giltzurrun-, gibel- eta bihotz-transplanteetarako Osasunbidea-Nafarroako Osasun Zerbitzuak eskaini ezin dituen prestazioak Osasun Sistema Nazionaleko baliabideetatik eman daitezen. Osoko Bilkurak ezetsi du (12. or.).

G SAILA:**Txostenak, deialdiak eta Parlamentuko informazioa:**

- 11-23/CIE-00002. Parlamentuan batzorde berezi bat sortzea, Ekialdeko Pirinioei buruzko ponentziak egindako txostena nahiz Parlamentuaren 2018ko azaroaren 8ko Osoko Bilkuran onetsitako erabakia betetzeari buruzko jarraipena eta kontrola egiteko. Osoko Bilkurak onetsi du (13. or.).

J SAILA:**Ponentziak:**

- 11-23/PON-00001. Ponentzia bat sortzeko proposamena, jatorri politikoko indarkeria –terrorismoa, alegia– zeharo deslegitimatzeko oinarri izanen den esparru etiko komun eta partekatu bat finkatzeko. Memoria eta Bizikidetzeta, Kanpo Ekintza eta Euskara Batzordeak ezetsi du (14. or.).

A saila:
FORU LEGE PROIEKTUAK

10-23/LEY-00008. Foru Legea, zeinaren bidez Tributuei buruzko abenduaren 14ko 13/2000 Foru Lege Orokorra aldatzen baita, Kontseiluaren 2021eko martxoaren 22ko 2021/514 (EB) Zuzentarauaren transposizioa eginez (zuzentarau horrek Fiskalitatearen arloko administrazio lankidetzari buruzko 2011/16/EB Zuzentaraia aldatu zuen)

OSOKO BILKURAK ONETSI DU

Nafarroako Parlamentuak, 2023ko urriaren 19an egindako Osoko Bilkuran, honako Foru Lege hau onetsi zuen: Foru Legea, zeinaren bidez Tributuei buruzko abenduaren 14ko 13/2000 Foru Lege Orokorra aldatzen baita, Kontseiluaren 2021eko martxoaren 22ko 2021/514 (EB) Zuzentarauaren transposizioa eginez (zuzentarau horrek Fiskalitatearen arloko administrazio lankidetzari buruzko 2011/16/EB Zuzentaraia aldatu zuen).

Legebiltzarreko Erregelamenduko 166. artikuluan ezarritakoa betez, argitara dadin agintzen da.

Iruñean, 2023ko urriaren 20an

Foru Legea, zeinaren bidez Tributuei buruzko abenduaren 14ko 13/2000 Foru Lege Orokorra aldatzen baita, Kontseiluaren 2021eko martxoaren 22ko 2021/514 (EB) Zuzentarauaren transposizioa eginez (zuzentarau horrek Fiskalitatearen arloko administrazio lankidetzari buruzko 2011/16/EB Zuzentaraia aldatu zuen)

Kontseiluaren 2021eko martxoaren 22ko 2021/514 (EB) Zuzentaraia (aurrerantz, DAC 7), fiskalitatearen arloko lankidetzari buruzko 2011/16/EB Zuzentaraia aldatzen duenak, helburu nagusi hauek ditu: Europar Batasunean informazioa trukatzeko eta lankidetzari administratiborako dagoen esparrua hobetzea, bai eta lankidetzari administratiboa beste eremu batzuetara zabaltzea ere, ekonomiaren digitaliza-

zioak planteatzen dituen erronkei heltzeko eta zerga administrazioei zerga-bilketa modu efizienteagoan egiten laguntzeko. Horretarako, informazioa emateko betebeharrak berri bat ezartzen da plataforma digitalen operadoreei dagokienez.

Era berean, DAC 7-ren transposizioak honako hau arautzeko beharra sortzen du: baterako ikuskapenen araubidea, Europar Batasuneko beste estatu batzuetako funtzionarioek Espainian –eta alderantziz– presentzia izateari buruzko gai zehatz batzuk, eta aldibereko kontrolak. Arlo honetako foru araudiak Tributuei buruzko Lege Orokorrean ezarritakora igortzen duenez, ulertuko da lurralde erkideko araudian funtzionarioez eta zerga-administrazioaz egiten diren aipamenak Nafarroako funtzionarioez edo, hala badagokio, Zergen Foru Administrazioaz eginak direla, Hitzarmen Ekonomikoan ezarritako eskumen eta eskudantzien arabera.

Bestalde, plangintza fiskaleko mugaz gaindiko mekanismoei buruzko informazioa emateko betebeharrari dagokionez, aldaketa puntual bat egiten da foru araudian: betebeharra duten bitartekariak pertsona fisikoa den zergapeko interesdun orori jakinarazi beharko diete ezen zergapeko horri buruzko informazioa zerga administrazioari emanen zaiola eta 2011/16/EB Zuzentaraia jarraikiz transferituko dela.

Gainera, plangintza fiskaleko mugaz gaindiko mekanismoei buruzko informazioa emateko azken betebeharrak horri dagokionez, beharrezkoa da haren araubide juridikoa aldatzea, Agintaritzaren Eskudunen arteko Akordio Aldeaniztuna sinatu baitu Espainiak, informazioa komunikatzeko estandar komunaren eta lurraldez kanpoko egitura opakuen informazioa saihesteko mekanismoei

buruzko informazioa automatikoki trukatzearen gainekoa, bai eta, ELGAren barruan informazioa komunikatzeko estandar komunaren eta lurraldez kanpoko egitura opakuen informazioa saihesteko mekanismoei heltzeko, informazioaren nahitaezko komunikaziorako haren ereduzko arauak ere. Horren helburua da zerga administrazioak behar den informazioa izatea informazioa komunikatzeko estandar komunaren eta lurraldez kanpoko egitura opakuen informazioa saihesteko mekanismoen trukea, akordio horretan arautzen dena, egin ahal izateko.

Era berean, partikularren arteko betebeharrak, plangintza fiskaleko mugaz gaindiko mekanismoei buruzko informazioa emateko betebeharrak horrek eragindakoak, aldatu egin behar dira Europar Batasuneko Justizia Auzitegiak (Sala Nagusia) C-694/20 auzian 2022ko abenduaren 8an emandako epaiaren ondorioz. Epai horrek deklaratu duenez, abokatuen kasuan Europar Batasunaren Oinarriko Eskubideen Gutunaren 7. artikulua urratzen du Kontseiluaren 2011ko otsailaren 15eko 2011/16/EB Zuzentarauak (Kontseiluaren 2018ko maiatzaren 25eko 2018/822 (EB) Zuzentarauak aldatutako bertsioan, hau da, DAC 6 izenaz ezagutzen dena), zehazki, haren 8 bis ter artikuluko 5. apartatuan jasotako betebeharrak –sekretu profesionalaren babespean dauden bitartekariei ezartzen zaiena, beren bezero ez diren gainerako bitartekariei sekretu horren erabilera jakinaraztekoa–. 2011/16/EB Zuzentzaraua fiskalitatearen arloko lankidetzaren administratiboari buruzkoa da eta 77/799/EEE Zuzentzaraua indargabetzen du. Jurisprudentzia hori jasotze aldera, aldatu egin da plangintza fiskaleko zenbait mekanismoei buruzko informazioa emateko betebeharraren araubidea.

Nafarroako Foru Komunitateko Administrazioari eta Sektore Publiko Institutuzionalari buruzko martxoaren 11ko 11/2019 Foru Legean xedatutakoa betetzeko, foru lege hau premiaren, eraginkortasunaren, proportzionaltasunaren, segurtasun juridikoaren, gardentasunaren eta efizientziaren printzipioen arabera egin da.

Premiaren eta eraginkortasunaren printzipioak betetzen dira; izan ere, beharrezkoa da Kontseiluaren 2021/514 (EB) Zuzentzarauaren transposizioa egitea, bai eta inplementatzea ere Espainiak izenpetu duen Agintaritzaren Eskudunen arteko Akordio Aldeaniztuna –ELGAren esparruan plataforma digitalen bidez lortutako errentari buruzko informazioa automatikoki trukatzeko helburua duena-, lege- eta erregelamendu-maila duten ordenamenduko zenbait arau aldatuz.

Proportzionaltasunaren printzipioa ere betetzen da; izan ere, hertsiki eskatutako helburuei

erantzuteko modua baino ez da bete, eta hartzaileei ezartzen zaizkien betebeharrak beren helburuak betetzeko behar-beharrezkoak direnak baino ez dira.

Segurtasun juridikoaren printzipioari dagokionez, testuak gainerako foru ordenamendu juridikoarekin eta Europar Batasunekoarekin koherentzia izatea bermatu da. Izan ere, lege-arauak Europar Batasuneko araua Espainiako Zuzenbidean txertatzeko beharrari erantzuten dio.

Gardentasunaren printzipioa bermatu da, azalpen honen xedea eta helburua argi identifikatzen baitira eta proiektua eta memoria Nafarroako Gobernu Irekiaren Atarian argitaratu baitira, herri-tarrek testua ezagutu ahal izan dezaten entzunaldiaren eta jendaurreko informazioaren izapidean.

Azkenik, efizientziaren printzipioari dagokionez, ahalegina egin da arauak ahalik eta administrazio karga gutxien izan dezan herritarrentzat eta zeharkako kostu gutxien ere bai, horrela baliabide publikoen arrazoizko erabilera sustatu direla.

Artikulu bakarra. Tributuei buruzko Foru Lege Orokorra aldatzea.

Tributuei buruzko abenduaren 14ko 13/2000 Foru Lege Orokorren agindu hauek honako testu hau izanen dute:

Bat. Hamaseigarren xedapen gehigarrian 3. apartatua gehitzen da:

“3. Aurreko apartatuek igorpen bat egiten dute lurralde erkideko araudira. Bada, aipamenak egiten direnean araudi horrek aurreikusten dituen funtzionarioei edo, kasua bada, zerga-administrazioari buruz, aipamen horiek ulertuko dira Nafarroako funtzionarioei edo, kasua bada, foru zerga-administrazioari buruz eginikotzat, Hitzarmen Ekonomikoan arrekusitako eskumenen eta eskudantzien arabera”.

Bi. Hogeita hamahirugarren xedapen gehigarria, 1., 2. eta 3. apartatuak, eta 6. apartatua gehitzea:

“1. Aintzat hartuta, batetik, Kontseiluaren 2011ko otsailaren 15eko 2011/16/EB Zuzentzarauak –fiskalitatearen arloko lankidetzaren administratiboari buruzkoa eta 77/799/EEE Zuzentzaraua indargabetzen duena–, 3. artikuluen 21. eta 22. apartatuetan ezartzen duena, bestetik, Agintaritzaren Eskudunen arteko Akordio Aldeaniztuna –informazioa komunikatzeko estandar komunaren eta lurraldez kanpoko egitura opakuen informazioa saihesteko mekanismoei buruzko informazioa automatikoki trukatzearen gainekoa, eta informa-

zioa komunikatzeko estandar komunaren eta lurraldez kanpoko egitura opakuen informazioa saihesteko mekanismoei heltzeko, informazioaren nahitaezko komunikaziorako haren ereduzko arauak—, bai eta helburu bererako izenpetutako nazioarteko beste akordio batzuk ere, betebeharraren ondorioetarako bitartekari edo zergapeko interesdun diren pertsonak edo entitateek honako informazio hau eman beharko diote zerga administrazioari, foru lege honen 27.5 eta 103. artikuluetan xedatutakoaren arabera eta tributuen arloko eskumena duen departamentuko titularrak ezarritako baldintzetan:

a) Kontseiluaren 2011/16/EB Zuzentarauaren 3.18 artikuluan definitutako mugaz gaindiko mekanismoetan esku hartzen edo parte hartzen badute, horiei buruzko informazioa, aipatutako zuzentarauaren IV. eranskinean zehaztutako bereizgarrietako batzuk gertatzen direnean.

b) Kontseiluaren 2011/16/EB Zuzentarauaren 3.24 artikuluan aipatzen diren mugaz gaindiko mekanismo merkaturagarrien eguneratzeari buruzko informazioa.

c) Plangintza fiskalerako mugaz gaindiko mekanismoak, a) eta b) letretan aipatzen direnak, Espainian erabiltzeari buruzko informazioa.

d) Agintaritza Eskudunen arteko Akordio Aldeaniztunean – informazioa komunikatzeko estandar komunaren eta lurraldez kanpoko egitura opakuen informazioa saihesteko mekanismoei buruzko informazioa automatikoki trukatzeari gainera— eta helburu bererako izenpetutako nazioarteko beste akordio batzuetan zehazten diren mugaz gaindiko mekanismoei buruzko informazioa.

Informazioa emateko betebeharraren honen ondorioetarako, ez dira deklaratu beharreko plangintza fiskalerako mugaz gaindiko mekanismotzat hartuko mugaz gaindiko akordio, negozio juridiko, eskeima edo eragiketak, oinarrituta badaude Europako Batzordearen erabaki bidez komunikatu eta berariaz baimenduta dauden araubide fiskaletan.

2. Sekretu profesionala dela-eta, informazioa emateko betebeharratik —Kontseiluaren 2011/16/EB Zuzentarauaren 8 bis ter.5) artikuluan eta aipatutako ereduzko arauetan jasotzen dena— salbuetsita egonen dira bitartekaritzat hartzen direnak, egindako jardura edozein dela ere, aholkulari lanak egin badituzte mugaz gaindiko mekanismo baten diseinuan, merkaturatzean, antolaketan, egikaritzarako eskurapenean, edo egikaritzaren kudeaketan, haien helburu bakarra izanik ebaluatzea ea aipatu mekanismoa bat datarren aplikatzeko den araudiarekin, baina haren ezarpena bideratu edo erraztu gabe.

Sekretu profesionalaren betebeharra duen bitartekaria betebeharraren horretatik libre gelditzen ahalko da interesdun den zergapekoak modu fede-emailean komunikatu gero horretarako baimena.

3. Bitartekariak bete egitea 2011/16/EB Zuzentarauan eta aipatu Akordio Aldeaniztunean aipatzen diren plangintza fiskaleko mekanismoei buruz informatzeko betebeharra, legez beharturiko moduan, ez da izanen, aplikatzeko den araubide juridikoari jarraituz, kontratuz edo araudiz ezarrita dauden informazio-dibulgazioaren gaineko murriztapenen urraketa, eta subjektu behartuei ez die inolako erantzukizunik ekarriko informazio horren titular den zergapeko interesdunarekiko".

"6. Xedapen honetan xedatutakoaren arabera informazioa ematera behartuta dagoen bitartekari oro behartuta egonen da informazioa helarazteko betebeharra duen pertsona fisikoa den zergapeko interesdun bakoitzari jakinaraztera ezen zergapeko horri buruz eskatutako informazioa zerga-administrazioari emanen zaiola, eta 2011/16/EB Zuzentarauaren eta xedapen honetan aipaturiko nazioarteko akordioaren arabera transferitutako dela. Halaber, bitartekariak nahikoa aurrendenboraz helaraziko dio pertsona fisikoki azken horrek bere datu pertsonalen babeserako daukan eskubidea egikaritu ahal izate aldera jasotzea zilegi duen informazio guztia; eta, betiere, bitartekariak bildu duen informazioa zerga-administrazioari helarazten zaion unea baino lehenago".

Hiru. Hogeita hamalagarren xedapen gehigarria, 1. apartatua eta 3. apartatuko a) letra:

"1. Planifikazio fiskaleko mugaz gaindiko mekanismoen aitorpena aurkeztetik sekretu profesionalerako betebeharraren kariaz salbuetsita dauden bitartekariak behartuta egonen dira salbuespen hori modu fede-emailean jakinaraztera beren bezero direnei, berdin delarik haiek beste bitartekari batzuk izatea nahiz aipatu mekanismoetan parte hartzen duten zergapeko interesdunak izatea".

"a) 1. apartatuan aipatzen den komunikazioa ezarritako epean ez egitea edo komunikazioa egitea datuak isilduta edo datu faltsuak, osatugabeak edo zehaztugabeak sartuta.

Arau-haustea 600 euroko diruzko isun finko batez zehatuko da.

Komunikazioa epe barruan ez egiteaz gain, dagokion plangintza fiskaleko mugaz gaindiko mekanismoaren aitorpenik —hogeita hamahirugarren xedapen gehigarriaren 1.a) apartatuan aipatzen dena— ez badu egiten zergapeko interesdu-

nak, nork eta aipatu komunikazioa egin izan balitz aitorpena aurkeztera behartuta egonen zen horrek hain zuzen, zehapena izanen da aipatutako aitorpena ez aurkezteagatik arau-hausteari zegokiokeena, hogeita hamahirugarren xedapen gehigarriaren 4.a) apartatuan aurreikusia".

Lau. Hogeita hemeretzigarren xedapen gehigarria gehitzea:

"Hogeita hemeretzigarren xedapen gehigarria. Informazio-betebeharra eta arrazoizko arretaren betebeharra, elkarlaguntzaren esparruan betebeharra duten plataforma-operadoreen aitorpen informatiboari dagokionez.

1. "Informazioa komunikatzera behartuta dauden plataforma-operadore" izaera duten entitateek Estatuko araudian ezarritako arrazoizko arretari buruzko arauak eta prozedurak aplikatu behar dituzte, eta informazioa erregistratzeko eta emateko betebeharrak bete, xedapen honetan aipatutako araudiaren arabera. Plataforma-operadore horien izaera xedatutakoaren arabera da: Kontseiluaren 2011ko otsailaren 15eko 2011/16/EB Zuzentaraua –Fiskalitatearen arloko administrazio-lankidetzari buruzkoa eta 77/799/EEE Zuzentaraua indargabetzen duena–, zehazki 8 bis quater artikulua eta V. eranskina, bai eta plataforma digitalen bidez lortutako errentari buruzko informazioa automatikoki trukatzeko Agintaritza Eskudunen arteko Akordio Aldeaniztuna eta plataforma-operadoreek elkarlaneko ekonomiaren eta noizbehinkako lan-ekonomiaren esparruko saltzaileei buruzko informazioa komunikatzeko arauen eredua eta helburu berarekin izenpetutako nazioarteko beste akordio batzuk ere.

Era berean, aurreko paragrafoan aipatutako araudiaren arabera "saltzaile" izaera duten pertsonak edo entitateek arrazoizko arreta egokiari buruzko arauak eta prozedurak aplikatzeak dakartzan betebeharrak bete beharko dituzte.

Lehen paragrafoan aipatzen diren informazioa erregistratzeko eta emateko betebeharrak erregelamendu bidez garatuko dira.

Xedapen gehigarri honetan eta berau garatzeko araudian erabilitako terminoek erregelamenduz ezarritako esanahia izanen dute, besterik ezarri ezean.

2. Xedapen gehigarri honen 1. apartatuan informazioa erregistratzeko eta emateko ezarritako betebeharrak ez betetzearen ondoriozko arau-haustea eta zehapenak foru lege honen III. tituluko VI. kapituluan xedatutakoaren arabera

arautuko dira, xedapen honetan ezarritako berezitasunekin.

Zerga arloko arau-hauste astuna da Kontseiluaren 2011/16/EB Zuzentarauaren arabera Europar Batasunean ez erregistratzea "informazioa komunikatzeko betebeharra duten plataforma-operadore", aipatutako zuzentarauaren V. eranskineko I. ataleko A apartatuko 4. puntuko b) letran aipatzen dena, baldin eta horren ondorioz Espainiako Zerga Administrazioak ez badu jasotzen epean jaso behar zuen informazioa, Espainiako lurraldeko egoiliarrek diren "informazio komunikatzeko betebeharra duten saltzaileei" buruzkoa edo lurralde horretan kokatutako ondasun higieizinei buruzkoa. Zehapena diruzko isun bat izanen da, foru lege honen III. tituluko VI. kapituluan xedatutakoari jarraikiz informazio hori ez emateagatik zegokiokeena hiru halakoa.

3. Zerga arloko arau-haustea da "informazioa komunikatzeko betebeharra duten plataforma-operadoreek" 1. apartatuan aipatzen diren arrazoizko arretari buruzko arauak eta prozedurak ez betetzea.

Zehazki, apartatu honen ondorioetarako, arau-haustetzat hartuko da arrazoizko arretaren prozedurek eragindako betebeharrak ez betetzea edo oker edo epez kanpo betetzea, honako hauei dagokienez:

- a) Berrikusi behar ez diren saltzaileak zehaztea.
- b) "Saltzaileari" buruzko informazioa biltzea.
- c) "Saltzaileari" buruzko informazioa egiaztatzea.
- d) "Saltzaile" zein estatutako egoiliarra den zehaztea.
- e) Alokaturako ondasun higieizinei buruzko informazioa biltzea.

Apartatu honetan aurreikusitako zerga arloko arau-haustea astuna izanen da, eta 200 euroko diruzko isun finko batez zehatuko da, arrazoizko arretari buruzko arauak eta prozedurak aplikatzeak eragindako betebeharrak bete ez diren "saltzaile" bakoitzeko.

"Informazioa komunikatzeko betebeharra duten plataforma-operadore" batek kanpoko zerbitzu-emailerik bat baliatzen badu arrazoizko arretari dagozkion betebeharrak betetzeko, betebeharrak operadore horren erantzukizuna izaten jarraituko dute.

4. Zerga arloko arau-haustea da "saltzaileek" nahitaezko informazioa epean ez komunikatzea edo informazio faltsua, osatugabea edo zehaztu-

gabea komunikatzea “informazioa komunikatzeko betebeharra duten plataforma-operadoreei”, aurreko apartatuan aipatzen diren arrazoizko arretako prozedurak operadoreak aplikatzeak eragindako betebeharrak betez.

Apartatu honetan aurreikusitako zerga arloko arau-haustea astuna da, eta 300 euroko diruzko isun finko batekin zehatuko da.

5. “Saltzaile” batek “informazioa komunikatzeko betebeharra duen plataforma-operadoreari” arrazoizko arretako arau eta prozeduren arabera exijitutako informazioa ematen ez badio, operadorearen hasierako eskaera gogoratzeko bi ohartarazpen jaso ondoren eta hasierako eskaera egin zenetik 60 egun naturaleko epea igaro ondoren, operadore horrek “saltzailearen” kontua itxiko du eta plataforman berriz erregistratzea eragotziko du edo “kontraprestazioaren” ordainketa atxikiko dio eskatu zitzaion informazioa eman arte.

6. Zerga administrazioak erabakiko du dago-kion erregistroan kautelazko baja ematea “informazioa komunikatzeko betebeharra duen plataforma-operadoreari”, Kontseiluaren 2011/16/EB Zuzentarauaren V. eranskineko I. ataleko A apartatuko 4. puntuko b) letran aipatzen denari, 1. apartatuan aipatzen den informatzeko betebeharra betetzen ez duenean, bi errekerimendu egin ondoren. Baja gehienez 90 egun naturaleko epean egingen da, bigarren errekerimendutik hasita, baina inoiz ez horretatik 30 egun natural igaro baino lehen.

Baja ematea erabaki ondoren, operadoreak alta berriz jaso ahal izateko, zerga administrazioari berme egokiak eskaini beharko dizkio, informazio-betebeharra betetzeko konpromisoa hartzekoa, eman gabe dagoen informazioa barne. Ondorio horietarako, zerga administrazioak berme egokitzaletzat jotzen ahalko du erantzukizunpeko adierazpen bat edo zerga arloko araudian ezarritako beste edozein berme. Zerga administrazioak berme horiek egokiak direla erabakitzen ahalko du, haien errolda-egoera egiaztatu ondoren, hala badagokio, III. tituluko 2. atalean aurreikusitako egiaztapen- eta ikerketa-jarduketan bitartez.

7. Betebeharra dutenei exijitzen ahal zaizkien adierazpenak, dokumentu-frogak, erregistroak eta beste edozein informazio, arrazoizko arretako prozedurak aplikatzeko eta xedapen gehigarri honetan aipatzen diren informazioa erregistratzeko eta

emateko betebeharrak betetzeko erabiltzen dena, gorde egin beharko dira eta zerga administrazioaren eskura eduki, informazioa eman den erreferentzia-aldia amaitu eta hurrengo 10 urteetan.

Foru lege honen arau orokorren arabera xedapen gehigarri honek aipatzen dituen informazioa erregistratzeko eta emateko betebeharrak egiaztatze eta ikertze ahalmenak ukatu gabe, zerga administrazioak egiaztatu eta ikertzen ahalko du “informazioa komunikatzeko betebeharra duten plataforma-operadoreak” aplikatu beharreko arrazoizko arretaren arauak eta prozedurak betetzen diren.

8. “Informazioa komunikatzeko betebeharra duen plataforma-operadore” guztiek adierazi beharko diote informazioa komunikatu behar duen eta pertsona fisikoa den “saltzaile” bakoitzari hari buruzko informazioa –Kontseiluaren 2011/16/EB Zuzentarauaren 8 bis quater.2 artikuluan eta Agintaritzaren Eskudunen arteko Akordio Aldeaniztunean, plataforma digitalen bidez lortutako errentari buruzko informazioa automatikoki trukatzeari buruzkoan aipatutakoa– emanen zaiola zerga administrazioari eta transferitutako zaiola Batasuneko estatuari, dagokionari, aipatutako zuzentzaruari jarraikiz. Halaber, operadoreak nahikoa aurredeboraz helaraziko dio pertsona fisikoari azken horrek bere datu pertsonalen babeserako daukan eskubidea egikaritu ahal izate aldera jasotzea zilegi duen informazio guztia; eta, betiere, operadore horrek bildu duen informazioa zerga-administrazioari helarazten zaion unea baino lehenago”.

Azken xedapenetako lehenena. Europar Batasuneko zuzenbidea txertatzea.

Foru lege honen bidez foru zerga araudian txertatzen da Kontseiluaren 2021eko martxoaren 22ko 2021/514 (EB) Zuzentzarua, zeinaren bidez aldatzen baita 2011/16/EB Zuzentzarua, fiskalitatearen arloko lankidetza administratiboari buruzkoa.

Azken xedapenetako bigarrena. Indarra hartzea.

Foru lege honek Nafarroako Aldizkari Ofizialean argitaratu eta biharamunean hartuko du indarra.

Nolanahi ere, lehenengo apartatua, bigarren apartatua (6. apartatu berriari dagokionez) eta laugarren apartatua 2023ko urtarrilaren 1etik aurrera aplikatuko dira.

B saila:
FORU LEGE PROPOSAMENAK

11-23/PRO-00009. Foru Legea, Nafarroako Estatistikari buruzko ekainaren 27ko 11/1997 Foru Legea aldatzekoa**OSOKO BILKURAK ONETSI DU**

Nafarroako Parlamentuak, 2023ko urriaren 19an egindako Osoko Bilkuran, Nafarroako Estatistikari buruzko ekainaren 27ko 11/1997 Foru Legea aldatzeko Foru Legea onetsi zuen.

Legebiltzarreko Erregelamenduko 166. artikuluan ezarritakoa betez, argitara dadin agintzen da.

Iruñean, 2023ko urriaren 20an

Lehendakaria: Unai Hualde Iglesias

Foru Legea, Nafarroako Estatistikari buruzko ekainaren 27ko 11/1997 Foru Legea aldatzekoa**HITZAURREA**

Nafarroako Estatistikari buruzko Foru Legea 1997an onetsi zuen Nafarroako Parlamentuak.

Foru lege horren bidez, Nafarroako Estatistika Institutua arautu zen, Nafarroako Foru Komunitatearen estatistika organoa izan zedin, Nafarroako interesgarria den estatistika jardueraren arduraduna.

Organo hori, araua egin zen garaiko dinamikari jarraikiz, Ekonomia eta Ogasun Departamentuari atxiki zitzaion (30. artikulua 3. apartatua).

Atxikipen horrek zentzua galdu du, bi arrazoi-rengatik:

Lehenengoa, estatistika zeharkakoa delako eta sektore-eremu guztiei eragiten dielako, Nafarroako Estatistika Planean islatzen den bezala, eta unitate guztien inplikazioa izan behar duelako; beraz, ez du zentzurik ekonomia eta ogasun

publikora bideratutako departamentu bati atxikitzeak, edo, gutxienez, legezko betebeharrak bategatik beste aukerarik ez izateak.

Bigarrena, funtsezkoa delako administrazioek beren burua antolatu ahal izatea zerbitzuak nahiz politika publikoak unean uneko egoeraren arabera ahal bezain ongi emateko.

Hortaz, Nafarroako Estatistikari buruzko ekainaren 27ko 11/1997 Foru Legearen 30.3 artikulua indargabetzea proposatzen da, kudeaketa hobetua eta unean uneko beharrezkoak egokituagoa izan dadin.

Artikulu bakarra. Nafarroako Estatistikari buruzko ekainaren 27ko 11/1997 Foru Legea aldatzea.

Nafarroako Estatistikari buruzko ekainaren 27ko 11/1997 Foru Legearen 30. artikuluko 3. apartatua kentzen da:

Xedapen gehigarri bakarra. Arauen erreferentziak.

Nafarroako Estatistika Institutua arautzen duten arauetan Ekonomia eta Ogasun Departamentuari egiten zaizkion aipamen guztiak institutua atxikita dagoen departamentuari egiten zaizkiola ulertu beharko da.

Xedapen indargabetzaile bakarra. Arau indargabetzea. Indarrik gabe uzten dira foru lege honetan ezarritakoari aurka egiten dioten maila bereko edo apalagoko xedapen guztiak.

Azken xedapena. Indarra hartzea. Foru lege honek Nafarroako Aldizkari Ofizialean argitaratu eta biharamunean hartuko du indarra.

E saila:

INTERPELAZIOAK, MOZIOAK ETA ADIERAZPEN POLITIKOAK

11-23/MOC-00040. Erabakia, zeinaren bidez Nafarroako Gobernua premiatzen baita Adimen Artifizialak Nafarroako gizartean duen eraginari buruzko prospekzio-lan zorrotza eta jarraitua egin dezan

OSOKO BILKURAK ONETSI DU

Legebiltzarreko Erregelamenduko 125. artikuluan ezarritakoa betez, agintzen da Nafarroako Parlamentuko Aldizkari Ofizialean argitara dadin Nafarroako Parlamentuko Osoko Bilkurak 2023ko urriaren 19an onetsitako erabaki hau, zeinaren bidez Nafarroako Gobernua premiatzen baita Adimen Artifizialak Nafarroako gizartean duen eraginari buruzko prospekzio-lan zorrotza eta jarraitua egin dezan. Hona testua:

"Nafarroako Parlamentuak Nafarroako Gobernua premiatzen du prospekzio-lan zorrotza eta jarraitua egin dezan, adimen artifizialak gure ekonomian, enpleguan eta oro har gizartean izan

dezakeen bilakaerari buruz, Nafarroa iraultza teknologiko hori baliatzeko moduko neurri beharrezkoak aurreratuta, gure erkidegoko jendearen bizitza inor atzean utzi gabe hobetze aldera.

Nafarroako Parlamentuak Nafarroako Gobernua premiatzen du beharrezko mekanismoak ezar ditzan Adimen Artifizialaren aplikazio eta garapen arduratsu eta gardena ziurtatzeko, aplikazioetan eta prozesuetan printzipio etikoak bermatuz".

Iruñean, 2023ko urriaren 20an

Lehendakaria: Unai Hualde Iglesias

11-23/MOC-00050. Erabakia, zeinaren bidez Nafarroako Parlamentuak berretsi egiten baitu Pobreziaren eta Desberdinkeriaaren aurkako Nafarroako Itunarekiko konpromisoa

OSOKO BILKURAK ONETSI DU

Legebiltzarreko Erregelamenduko 125. artikuluan ezarritakoa betez, agintzen da Nafarroako Parlamentuko Aldizkari Ofizialean argitara dadin Nafarroako Parlamentuko Osoko Bilkurak 2023ko urriaren 19an onetsitako erabaki hau, zeinaren bidez Nafarroako Parlamentuak berretsi egiten baitu Pobreziaren eta Desberdinkeriaaren aurkako Nafarroako Itunarekiko konpromisoa. Hona testua:

"Talde parlamentariook honako erabaki proposamen honen aldeko konpromisoa hartzen dugu:

1.- Pobreziaren eta Desberdinkeriaaren aurkako Nafarroako Itunarekiko konpromisoa berresten dugu.

2.- Itun horren jarraipena egiteko eta ituna betetzeko urratsak egiten jarraitzeko konpromisoa hartzen dugu.

3.- Erronka global berriei aurre egiteko konpromisoa berresten dugu, desberdinkeriak areagotu egin baitira gure gizartean eta are gehiago herrialde txirotuetan.

4.- Garapen Jasangarrirako Helburuak eta 2030 Agenda garatzearen alde lanean jarraitzeko konpromisoa berresten dugu".

Iruñean, 2023ko urriaren 20an

Lehendakaria: Unai Hualde Iglesias

11-23/MOC-00030. Mozioa, zeinaren bidez Espainia herritar askeen eta eskubide nahiz betebeharrak dituztenen nazio bat dela aitortzen baita**LEHENDAKARITZA ETA BERDINTASUN BATZORDEAK EZETSI DU**

Nafarroako Parlamentuko Lehendakaritza eta Berdintasun Batzordeak, 2023ko urriaren 20an egindako bilkuran, Nafarroako Alderdi Popularra talde parlamentarioak aurkeztutako mozioa ezetsi du, zeinaren bidez Espainia herritar askeen eta eskubide nahiz betebeharrak dituztenen nazio bat dela aitortzen baita. Mozioa 2023ko irailaren 22ko 12. Nafarroako Parlamentuko Aldizkari Ofizialean argitaratu zen.

Iruñean, 2023ko urriaren 23an

Lehendakaria: Unai Hualde Iglesias

11-23/MOC-00039. Mozioa, zeinaren bidez Nafarroako Gobernua premiatzen baita errenta bermatuari buruzko araudia alda dezan**OSOKO BILKURAK EZETSI DU**

Nafarroako Parlamentuko Osoko Bilkurak, 2023ko urriaren 19an egindako bilkuran, Nafarroako Alderdi Popularra talde parlamentarioak aurkeztutako mozioa ezetsi du, zeinaren bidez Nafarroako Gobernua premiatzen baita errenta bermatuari buruzko araudia alda dezan. Mozioa 2023ko urriaren 16ko 16. Nafarroako Parlamentuko Aldizkari Ofizialean argitaratu zen.

Iruñean, 2023ko urriaren 20an

Lehendakaria: Unai Hualde Iglesias

**11-23/MOC-00043. Mozioa, zeinaren bidez Nafarroako Gobernua premia-
tzen baita behar diren neurriak susta ditzan eskoletako doktrinamen-
dua amai dadin, batez ere testuliburuetan eta hezkuntza-materialetan**

OSOKO BILKURAK EZETSI DU

Nafarroako Parlamentuko Osoko Bilkurak, 2023ko urriaren 19an egindako bilkuran, María Teresa Nosti Izquierdo andreak aurkeztutako mozioa ezetsi du, zeinaren bidez Nafarroako Gobernua premia-tzen baita behar diren neurriak susta ditzan eskoletako doktrinamendua amai dadin, batez ere testuliburuetan eta hezkuntza-materialetan. Mozioa 2023ko urriaren 16ko 18. Nafarroako Parlamentuko Aldizkari Ofizialean argitaratu zen.

Iruñean, 2023ko urriaren 20an

Lehendakaria: Unai Hualde Iglesias

**11-23/MOC-00045. Mozioa, zeinaren bidez Nafarroako Gobernua premia-
tzen baita neurri fiskalen lehen sorta bat abiaraz dezan errenta txiki
eta ertainen erosahalmenaren galera nabarmena leuntzeko, 2023ko
urtarrilaren 1etik aitzinako eraginez**

OSOKO BILKURAK EZETSI DU

Nafarroako Parlamentuko Osoko Bilkurak, 2023ko urriaren 19an egindako bilkuran, Jesús Valdemoros Erro andreak aurkeztutako mozioa ezetsi du, zeinaren bidez Nafarroako Gobernua premia-tzen baita neurri fiskalen lehen sorta bat abiaraz dezan errenta txiki eta ertainen erosahalmenaren galera nabarmena leuntzeko, 2023ko urtarrilaren 1etik aitzinako eraginez. Mozioa 2023ko urriaren 17ko 19. Nafarroako Par-lamentuko Aldizkari Ofizialean argitaratu zen.

Iruñean, 2023ko urriaren 20an

Lehendakaria: Unai Hualde Iglesias

11-23/MOC-00048. Mozioa, zeinaren bidez Hezkuntza Departamentua premiatzen baita eskola publikoan bikoiztu ditzan legezko ratioa gainditzen duten ikasgelak*OSOKO BILKURAK EZETSI DU*

Nafarroako Parlamentuko Osoko Bilkurak, 2023ko urriaren 19an egindako bilkuran, María Roncesvalles Solana Arana andreak aurkeztutako mozioa ezetsi du, zeinaren bidez Hezkuntza Departamentua premiatzen baita eskola publikoan bikoiztu ditzan legezko ratioa gainditzen duten ikasgelak. Mozioa 2023ko urriaren 17ko 19. Nafarroako Parlamentuko Aldizkari Ofizialean argitaratu zen,

Iruñean, 2023ko urriaren 20an

Lehendakaria: Unai Hualde Iglesias

11-23/MOC-00051. Mozioa, zeinaren bidez Nafarroako Gobernua premiatzen baita giltzurrun-, gibel- eta bihotz-transplanteetarako Osasunbidea-Nafarroako Osasun Zerbitzuak eskaini ezin dituen prestazioak Osasun Sistema Nazionaleko baliabideetatik eman daitezen*OSOKO BILKURAK EZETSI DU*

Nafarroako Parlamentuko Osoko Bilkurak, 2023ko urriaren 19an egindako bilkuran, Domingo González Martínez jaunak aurkeztutako mozioa ezetsi du, zeinaren bidez Nafarroako Gobernua premiatzen baita giltzurrun-, gibel- eta bihotz-transplanteetarako Osasunbidea-Nafarroako Osasun Zerbitzuak eskaini ezin dituen prestazioak Osasun Sistema Nazionaleko baliabideetatik eman daitezen. Mozioa 2023ko urriaren 17ko 19. Nafarroako Parlamentuko Aldizkari Ofizialean argitaratu zen.

Iruñean, 2023ko urriaren 20an

Lehendakaria: Unai Hualde Iglesias

G saila:

TXOSTENAK, DEIALDIAK ETA PARLAMENTUKO INFORMAZIOA

11-23/CIE-00002. Parlamentuan batzorde berezi bat sortzea, Ekialdeko Pirinioei buruzko ponentziak egindako txostena nahiz Parlamentuaren 2018ko azaroaren 8ko Osoko Bilkuran onetsitako erabakia betetzeari buruzko jarraipena eta kontrola egiteko

OSOKO BILKURAK ONETSI DU

Nafarroako Parlamentuko Osoko Bilkurak, 2023ko urriaren 19an egindako bilkuran, Parlamentuan batzorde berezi bat sortzea erabaki du, Ekialdeko Pirinioei buruzko ponentziak egindako txostena nahiz Parlamentuaren 2018ko azaroaren 8ko Osoko Bilkuran onetsitako erabakia betetzeari buruzko jarraipena eta kontrola egiteko.

Erabaki hau argitara dadin agintzen da, Legebiltzarreko Erregelamenduko 166. artikuluan ezarritakoa betez.

Iruñean, 2023ko urriaren 20an

Lehendakaria: Unai Hualde Iglesias

J saila:
PONENTZIAK

11-23/PON-00001. Ponentzia bat sortzeko proposamena, jatorri politikoko indarkeria –terrorismoa, alegia– zeharo deslegitimatze oinarri izan den esparru etiko komun eta partekatu bat finkatzeko

MEMORIA ETA BIZIKIDETZA, KANPO EKINTZA ETA EUSKARA BATZORDEAK EZETSI DU

Nafarroako Parlamentuko Memoria eta Bizikidetza, Kanpo Ekintza eta Euskara Batzordeak, 2023ko urriaren 20an egindako bilkuran, ezetsi zuen Unión del Pueblo Navarro talde parlamentarioak aurkeztutako proposamena, Ponentzia bat sortzekoa, jatorri politikoko indarkeria –terrorismoa, alegia– zeharo deslegitimatze oinarri izan den esparru etiko komun eta partekatu bat finkatzeko.

Iruñean, 2023ko urriaren 23an

Lehendakaria: Unai Hualde Iglesias
